

紀



自序

歲甲戌夏五

皇上萬幾之暇

召翰苑諸臣賦詩應



制兼及論賦且給筆札

賜珍饈自古以來禮下之隆未有若斯之優渥也而

諸臣生

右文之朝遭逢

寵遇莫不藻思泉湧文采葩流研精竭慮以求稱乎



上旨雖虞廷卿雲之奏何以加焉臣備員銓衡幸覩千秋之鉅典有慕於中依韻奉和復為恭紀詩并附論賦於其末退食餘閒歷久後成較之諸臣憂玉鏘金遡源風雅不移晷而已就人才相去不霄壤哉臣鄙俚之音不計工拙謹以紀

盛事誌歲月云爾

康熙三十三年歲在過逢闕茂畢月上澣日

吏部左侍郎臣趙士麟敬題於燕邸碧園

紀盛集

臣趙士麟著

康熙三十三年夏五月初九日少詹事臣李錄

予朱阜侍讀學士臣顧祖榮李鎧入直

擬夏日

內庭應

制 七律

鵝鷺踏踏向

紫鑾競看簇仗下雲端

黃扉邃密幾忘夏碧樹迢遙倏欲寒伏案垂紳舒委

佩瞻

天挾藻肅柔翰

恩波此日浚無極珍饈傳呼給大官

恭紀

序入南訛景物妍宮僚寓直近花磚龍池初種迎

涼草

鳳閣時揮解愠絃箋出

尚方飛素練香焚甲煎

去聲香名見隋書

繞蒼煙

盛朝重覩賡颺典袍袖猶沾

御墨鮮

初十日侍讀學士

臣

徐嘉炎侍講學士

臣

張

廷瓚史夔曹鑑倫入直

擬賦得西園翰墨林應

制

五言排律八韻

北極宸居壯西園別業幽鼎彝環錦席書畫擁珠樓

古色簾櫳映清輝細素流七家稱絕藝四聖擅千

秋鸞鵲冲霄起烟霏隔嶺浮烘皴疑石墨波磔比

銀鈞豈若酉山去殊勝林屋遊披圖尋顧陸灑翰
待應劉

恭紀

二酉圖書秘府收縹緗滿架足千秋墨痕浮動烟
雲繞筆勢翩颺金石留芸閣香飛鶴禁外玉山光
映鳳池頭誦詩講易叨恩醉絕勝探奇宛委遊

山名多藏
書見史記

十一日左庶子臣陳論右庶子臣孫岳頌侍

讀臣張榕端王思軾入直

擬賦得膏雨潤公田應

制
五言律

農事資東作三春屬望誠何時靈雨降先我中區
盈處處操豚祝村村負耒迎幽風猶未遠忠愛見
輿情

恭紀

保介親瞻

帝藉儀又逢青甸

省耕時

彤延未獻卿雲頌

朝右爭傳喜雨詩宮草均沾甘澤潤林花盡荷土膏

滋昊蒼自是從民欲先灑公田後及私

十二日侍讀臣陸肯堂侍講臣余志貞彭定

求左諭德臣沈涵入直

擬賦得紫禁朱櫻出上闌應

七言律限五微

制

曲江曾與櫻桃宴今日承

恩賜禁闈顆琢珊瑚堆翠葉盤盛瑪瑙映朱衣摘來

御苑香仍在捧出

仙階露未晞珍重瓊漿奚足擬步趨猶自凜

天威

恭紀

上蘭朱實眇難攀八尺雕盤中使頒薦

廟初陳青玉案

會朝旋

賜紫宸班圓同火齊

去聲珠名

來三島色似金丹出九還何

幸追隨寮案後拜

恩歸獻破慈顏

十三日洗馬臣丘象隨左中允臣王沛思左

贊善臣沈朝初陸棻入直

擬咏金蓮花應

制 五言律限八齊

泥 聞道名山產花開百鍊齊光搖白玉檻色煥紫金

禁閣燈爭艷

仙臺樹欲迷臨風時灼爍珍賞

勅標題

恭紀

名花傳自佛場來光氣凝盆別樣裁瓣立金身窺
色相枝擎寶炬映樓臺幸依

紫禁含香遠不染汗泥帶露開玉井峯頭蓮十丈獨
輪燦爛在蓬萊

十四日右中允臣楊大鶴彭寧求右贊善臣

魏希徵司業臣彭會淇入直

擬賦得崇文聊駐輦應

制

五言古限輦字

山水人所娛眷此崇文館
餐勝搜古腴燦若墳與
典噦噦駐

鸞旂聊以寄游行襟佩拂緒風落花承

步輦

恭紀

鳳輦來遊駐彩霞崇文遙望碧山斜
仙音縹緲巖廊曲飛蓋參差洞壑賒
乳燕頻穿太液柳嬌鶯低啄上林花
五星此日占奎聚虎觀談經未足誇

十五日檢討

臣

胡作梅編修

臣

仇兆鰲徐元

正汪灝入直

擬賦得衣露淨琴張應

制

五言律限五微

月夜松陰靜遙聞漏滴稀孤鴻猶噓噓
零露自霏霏春暗頻燒燭更深復進衣
五絃排

座右留待好風揮

恭紀

小橋流水卽滄浪

暗水

纖月疎星映草堂

風林纖月春星

草堂銀漢無聲凝沆瀣金莖漸冷逼衣裳清尊徐引
書連屋綠綺橫鋪花滿床檢書燒燭看劍引杯涼夜碧天真
似洗一彈再鼓鶴鸞翔

十六日編修臣陳遷鶴修撰臣沈廷文陳元

龍檢討臣王之樞入直

擬恭讀

御製覽貞觀政要詩應

制

五言律限二蕭

夜分常覽史

睿鑒百王超創業多英辟貞觀亦治朝瀛洲得士盛麟

閣建功遙異代邀

華袞勲名定不祧

恭紀

文皇風雨佐開基天日容儀龍鳳姿青史已傳恢
曆服綈裳猶足見風期行仁屢奏西成效納諫時
教東閣隨

泰岱不辭土壤細一編恒向石渠披

十七日編修臣表佑王化鶴檢討臣潘應賓

方韓入直

擬恭讀

御製時巡近郊憫農事有作應

制 五言律限八齊

時邁遵周制歆蒸念近畦揚旌觀薙草

止輦慰扶犁望雨偏占畢愁霖或現霓

行臺親染翰總為萬方題

恭紀

三輔均沾

帝澤平

鑾輿時幸慰蒼生西郊不雨勞

宸眷東作方殷繫衆情

玉輅過時啼鳥歇

翠旗飄處落花輕桑陰麥隴催耕集嘉穎當秋報厥

成

十八日編修臣張豫章鄭崑瑛檢討臣劉涵

編修臣張希良入直

擬恭讀

御製懋勤殿讀尚書至無逸篇有作應

制 五言律限五微

書教先無逸

皇朝實嗣徽山龍端

主極稼穡念民依時止

求言輦常被

問夜衣千秋

垂帝範雲漢有光輝

恭紀

書陳無逸坐

彤闈宮殿風高晝漏微

勤政稔知符哲后

惜陰仰見紹前徽縹囊乍起清暉映

玉几徐凭朱鳥飛誰謂太平多暇豫

九重天子尚宵衣

十九日編修 臣 沈辰垣李孚青宋敏求宋大

業沈三曾檢討 臣 劉坤魯瑗宋如辰入直

擬恭讀

御製觀渾天儀器詩應

制 五言律限九佳

帝德與

天合爭傳制度佳 銅儀來漢殿 玉琯遡虞階 五紀由茲正

三辰自爾諧 誦詩知奉若 奕世仰

淵懷

恭紀

盛朝儀象重靈臺

親覩璣衡

酒翰來官設 保章司緯度 詩傳

睿藻仰昭回 五星聯絡如珠貫 四序調和應琯灰 欽若

已符古帝意 微臣終乏測天才

二十六日編修 臣 吳世燾 湯右曾 郝士鈞 凌

紹雯 劉灝 張復 檢討 臣 宋朝楠 彭始 搏 葉

淳入直

擬

聖駕夏日閱視河堤應

制

五言律限六魚

當夏河流塵

時巡意欲舒

六龍親駐輦萬姓免為魚舟楫
凌風渡溝塍帶月鋤
宣房煩竹石漢武策終疎

恭紀

巡河仲夏

翠華來

帝力功高神禹哉浪蹴魚龍吞日月波迴天地靜風霾
水衡不惜金錢費

楓陛時咨疏淪才瓠子築宮沉璧馬新書空付史遷裁

二十七日修撰

臣

戴有祺編修

臣

范光宗孫勳入直

擬恭讀

御製宮門聽政示各部諸臣詩應

制

五言律限六麻

百僚齊贊采

臨御向金華

帝意同鞞鐸

紀盛集 十一
天章綉綺霞咨諏情倍切霖雨望偏賒永作韋弦佩迓
衡佐

國家

恭紀

宣政門前鵠立看欣傳五色降

金鑿堯咨舜傲應無異

鳳藻龍章自不刊南雅風高調六律鼓鐘聲振肅千官
昇平清奏徵

宸訓惕厲微衷愧素餐

二十八日編修臣許賀來檢討臣梅之珩張
明先李朝鼎入直
擬恭讀

御製咏史詩應

制 七言律限十灰

論斷從來重史才今瞻

宸宸出新裁偶經

衮鉞一言定頓使心胸萬古開嚴比玉衡懸
黼座朗如金鏡列瓊臺我

皇天授非人力遙望光華燭上台

恭紀

編年紀傳列青蒲

咏史詩垂曠世模一代興衰昭日月千秋著鑑重盤

孟音諧金石調仙籟筆染香雲繞

御鑪

宸翰自同奎壁燦

廷前舞鳳勝韶虞

二十九日檢討臣鄧咸齊鄭際泰竇克勤徐

日暄入直

擬渾天儀應

制
七言律限十蒸

帝王御宇瑞圖膺首重人時典可徵莫莢效靈古

有此璿璣定制代相仍天官布算三家異星野分

司二正能

聖世渾儀原合度龍門疎畧未堪稱

恭紀

羲和遺法四千年儀象猶聞馮相傳日月遙從銅

管度星辰盡向玉衡旋一行玅解今重見守敬精
思更足宣率土咸知遵正朔萬年長此戴

堯天

閏五月初一日編修臣楊中訥姚弘緒潘從

律張瑗王奕清入直

擬賦得虚心高節雪霜中應

制

七言律限十二文

猗猗千畝望氤氲舞鶴棲鸞自昔聞已見池臺增
翠靄豈徒風雨挹清芬蘭心却冷含香氣松幹衝

寒長蘚紋何似

玉階邀顧盼縱逢霜雪尚凌雲

恭紀

中虛節勁獨亭亭披霧含烟入靄冥甘露初霏彩
鳳下驚雷忽動籟龍醒雪中只覺千竿秀霜後偏
增萬個青如爾孤芳原不俗高懷應有子猷經

初二日編修臣胡濶戴紱檢討臣冉覲祖楊

名時王傳入直

擬讀朱子文集應

制

五言律十四寒

濂洛風微後仔肩吾道難名真如泰嶽力可障狂
瀾遺集

金華進封章

玉座看海隅知誦法不獨啓

朝端

恭紀

秘閣琳瑯石室寬

皇心稽古契新安珠樓時見瑤函啓乙夜還呈甲帳看

六籍表章傳聖緒四旬獻替重朝端夔龍應繼宗
風起誠正無忘侍

玉鑾

初三日檢討臣王者臣張曾慶劉琰李象元

文志鯨入直

擬賦得駐輦華林側應

制

五言律十三覃

名園時望幸遲日稅

鸞驟金石禽魚震旌麾父老諳洞房連曲磴複道俯

寒潭歸路春城晚水輪候遠巒

恭紀

三月華林景候和鏘鏘上苑八鸞過花留仙仗偏
能舞鳥傍瓊筵亦解歌箭飲石梁輕似羽馬盤金
埒快如梭

宸遊足繼卷阿盛湛露頻沾碧草多

初四日

召集西苑考試學士臣王掞李柟顧藻及翰林諸

臣八十人

擬理學真偽論

道猶路也八軌之塗九衢之陌天下萬世之所共
由非私也理卽禮也仁義禮智我固有之非由外
爍而然也學者效也未知未能而效法平前人之
已知已能非有異知異能也理本自真學無可偽
堯舜授受首揭一中成湯以義制事以禮制心將

以求此中也文王武王緝熙執競亦求此中也孔
門言仁言孝兼言中性反無殊之要一以貫之之
旨也此其道載於六經四書如日月中天江河行
地勿論東海西海南海北海雖羣生之倫蚩蚩之
衆皆此心同此理同也無聖無愚無豐無嗇無內
無外無斷無續求之本心而自足何有理與學之
名真與僞之分歟奈世遞降而人心漓邪說行而
聖緒隱不得不賴於闡幽啓鑰之人於是乎有真
有僞周秦以前勿論已漢之時其臣如江都相董

仲舒之天人三策足與春秋相表裏其言正諛不
謀利明道不計功直探闢奧後儒宗之而爲人廉
直進退容止非禮不行無僞也大中大夫申培以
詩爲教謝絕賓客終身不出左內史倪寬事伏生
受尚書帶經而鋤以廉退自將博士毛萇善說詩
時去古未遠躬行意多諸儒俱無僞也鄭康成通宗
氏易公羊春秋周官禮記左氏春秋韓詩尚書學
問博洽辨論英敏生平學行咸無可議宋儒論說
資於漢儒註疏十嘗八九乃以訓詁經生日之噫

紀盛集
亦過矣龍門王通續詩書正禮樂修元經讚易道
其行也方其動也義門人董常程元薛收仇璋輩
所蘊蓄皆具其師一體卽房杜李魏又皆表表於
有唐開代未可以僞目之也唐之臣如贈禮部尚
書韓愈原性原道師說佛骨諸篇皆與衍宏深與
孟子相發明以佐佑六經其言軻醇乎其醇功不
在禹下又曰求觀聖人之道必自孟子始秦漢以
來諸儒未有論道統相傳之詳且正如愈者是則
千載之間知孟子者愈一人而已人謂唐無儒何

哉諫議大夫李翱是時士並學古人辭溺心於三
代兩漢之盛而鮮志於其道翱獨求端於性情動
靜之間以發誠明之旨作復性書三篇陸慘見而
歎之曰子之言尼父之心也人止稱愈而不知翱
何歎唐自中葉佛老顯行儒道媮末愈銳然以六
經之文爲諸儒倡爭四海之惑屢踰屢振嗣是而
後天下競于聲偶爲利祿資視昭明所輯文選爲
六經末益漫漶噫學術關乎氣運益令人思愈與
翱之功大也宋之臣如知南康軍周敦頤博學力

行會道有元胸懷灑落霽月光風作易通太極圖
標無欲誠神幾以學聖脉絡貫通上接乎洙泗條
理精密下逮乎洛閩百世之下孟氏之後數真傳
者舍頤其誰御史程顥克養純粹清越灑然時擠
孟子於法言之後作定性書誠仁說倡明絕學發
揮六經四書奧旨一時及門之士遂翕然服膺其
說天下始曉然知其爲洙泗之正傳而不敢妄議
據其上神宗劄子論五霸之辨使得君行道自有
可觀此正學也秘書省郎程頤天資端嚴學造純

慤有功於斯道與兄同兄德性寬大規模廣濶頤
氣質剛方文理密察其道雖同而造德各異亦正
學也崇文校書張載所著西銘推極於知化窮神
東銘嚴覈于戲言戲動正蒙一書窮造化幽明出
入變化之原究古聖賢知禮誠性誠明成德之學
一番拈動光彩如新亦正學也洛人邵雍資高識
朗所著皇極經世發前人所未發有功易道蓬華
環堵躬爨養親清明坦易鄉里化之遠近尊之士
大夫過洛有不之公府而必造其廬者程顥稱之

曰雍內聖外王之學也就其所造可謂安而且成人但見其明于易數遂以數學目之殆又淺矣崇政殿說書朱熹前賢稱堯舜之道非孔子無以明濂洛之道非朱子無以發孔子之道得孟子而愈尊程子之道至朱子而始明然則孔子集羣聖之大成朱子集羣賢之大成其揆一也千餘年俗學異端淆亂駁雜舉四書六經表而闡之使聖學晦而復明大道絕而復續燦然各爲全書流布天下而俗學異端之說自不得以干正其功大矣知荆

門軍陸九淵其學求端於心其曰纔一警策便與天地相似所入與朱熹微有異同丞相周必大稱荆門之政可以驗躬行之效時以禪詆之抑又過矣程門弟子如工部侍郎楊時除書局謝良佐崇政殿說書尹焯監察御史游酢壽安張繹教授呂大鈞寶文閣侍制呂大忠太學博士呂太臨諫議大夫朱光庭皆於心傳有得清德重望皎如日星無一僞者楊時在祭酒疏奪王安石配享尤爲明勇宋儒如胡瑗教授湖州科條備具河汾以後能

立師道成就人才者首稱焉博羅主簿羅從彥劍
浦李侗崇安胡安國吏部侍郎張栻國史編修呂
祖謙建陽蔡元定子沈閩人黃幹戶部尚書真德
秀崇政殿說書何基永嘉陳埴之數子者或與熹
爲友爲弟子皆同時共肩斯道有倡子和汝之功
張栻義利之辨祖謙重遠之思元定明陰陽消長
之幾達古今盛衰之理黃幹以志堅思苦之資造
明睿端莊之詣於熹尤爲功多漢世讖緯九流之
習唐士釋老詞章之支荀楊以來孔墨並稱或以

爲性惡或以爲性有三品或以爲善惡混孟子七
篇例以子書河南二程始起而表章之朱子又取
程氏及羣賢之說會萃折衷以釋其義與論語大
學中庸列爲四書由是洙泗之正傳益以明備闢
千古入道之門造道之闢諸賢之所同爲羽翼者
也厥後目爲僞學何耶至於元之資善大夫劉因
金華許謙昭文館大學士姚樞集賢殿大學士許
衡蘭溪金履祥皆表表者而衡尤著衡專以小學
四書爲修己治人之法不尚文辭務實行是則繼

朱熹者衡也無僞也明則贈禮部尚書薛瑄其學
爲開國一代之冠以復性爲宗表易詩書禮春秋
之旨闡學庸論孟太極圖通書西銘之奧論諸經
傳義四書集註或問小學之精溯堯舜以來至孔
子及周程張朱相傳之統悉錙較寸量而出言言
粹美且極廣大包括無遺其言其行昭昭在人耳
目此正學也從祀宐也新建伯王守仁資稟高朗
天泉證悟良知本乎孟子人以新說訾之非也南
贛功烈鉤耀人寰非全體大用本末兼該曷克有

此從祀亦宐其門人若徐曰仁錢德洪鄒守益王
畿之流有足多者正也非僞也若夫霍州學正曹
端之穎異專靜造詣深醇翰林修撰羅倫之奇偉
之節樂善之誠粵東布政陳選之孤忠特立百折
不回禮部尚書章懋之斂華就實旣博復約處士
吳與弼之涵養德性師道尊嚴處士從祀胡居仁
之自任又從祀翰林檢討陳獻章之純正吏部尚
書湛若水之浚造叅議賀欽之默識吏部郎顧憲
成倡道東林正學表儀左都御史曹于汴進禮退

義內直外方翰林待詔來知德之內篇外篇旨與
辭微贈刑部尚書呂坤之承當嚴毅守正不阿研
精耽道如侍御史馮從吾持論侃侃如贈太保高
攀龍臨難不苟如兵部尚書呂維祺理學忠節如
大理卿鹿善繼皆知學聞道錚錚卓犖於六經四
子之書多所裨益稽其生平真而無僞者也僞學
者內無格致誠正之功外鮮修齊治平之用恒
言本來無物矣而未免競刀錐恒言萬物一體矣
而未勉介睚眦恒言戒欺求慊矣而躬修不逮暗

行多虧恒言明體達用矣而尚口喋喋措施罔效
絕意仕進矣而微衷不可告人不求聲譽矣而名
高則欲在己甚至獨行踽踽不可一世持論矯矯
未去伎心終南可以捷徑何妨下帷鍵關清風足
以噓物不難惡衣惡食又甚者談王說霸酌古準
今高極於無始細入於無倫其大者罩天地範三
九矣乃徐視其履不厭人心目足身口自相背而
馳者又比比也如明季附東林者峻其門闥高自
標置入者賢之出者排之名曰清議其實橫誣且

利以相軋勢以相傾操持國是俾人無所措手足
止別門戶罔恤人國究竟未必盡小人者肆其荼
毒而僞君子之受禍獨慘尚可言哉其在今日

皇上聖學淵深直接堯舜一中之傳崇正黜浮凡庠序
育材師儒講習莫非六經四子之書粹然一出於
唐虞周孔濂洛關閩相傳之正道又

明並日月洞及幽隱何所容其僞歟夫世固不乏清修
之士若迂腐之儒謹曲之夫既不合於時宜乃自
好而講學或爭理於毫芒之間或互攻於異同之

介非禪也而目之其流弊必禪也而惑之此不過
意見之偶偏淺深之異致無關於真也并無關於
僞也

恭紀

文教昌明治化新千秋聖緒屬

陶鈞普天共仰

紹中統吾道重瞻

建極人姚姒傳心非有僞淵源溯始本原真豈惟

睿藻精衡鑒崇正欲將士習醇

擬豐澤園賦 并序

臣聞賦原風雅昉於離騷賈誼司馬相如楊雄班固之徒皆分路揚鑣升堂入室可謂極纂組之裔皇盡詞章之瑰瑋矣然侈言無當雖麗非經無關於主極罔切於民依徒稱引珍怪以相焜耀未聞表章至治弘宣駿業不足稱也洪惟我

皇上秉神聖之資致蕩平之烈三方底定萬國朝宗自

循蜚疏佗以來載籍所記未有若斯之巍煥也寰宇之內無一物不得其所民生斯時候尉一家煙

火萬里譬若躋春臺而遊康衢乃猶

軫念閭閻不忘耕植屢

巡近郊問民疾苦又於

瀛臺之側置豐澤園以備

觀覽而周知四方之播穫焉蓋深悉夫農事之艱難而加意噢咻也今夏五月

親試文學侍從之臣

命題作賦一時應

制之盛星聯璧合猶探珠於滄海而取材於鄧林也

臣忝廁銓曹竊有慕於中不揣固陋敢珥筆以繼

其後雖遲同記室詞異黃門於以揚扆

聖朝詠歌雅化述其事而垂型奕世賡其休以昭示

百王此臣愚衷之所深願也謹賦以

獻 維

瀛臺之邃邈兮翊

宸居之堂皇法鈞陳以環衛兮象閭閻之翕張分星躔

於尾箕兮次析木之津梁下俯應乎光紀兮上仰

挹乎開陽南有鉅野之曠漭兮北有居庸之巖疆

東襟帶於碣石兮西廻拱乎太行聳擢翔五雲之
表兮聯絡近

九殿之傍與西山而並峙兮映

帝闕之輝煌爾其翠嶂千重縈邏萬繞複道逶迤重門
深窈欄檻玲瓏觚稜夭矯丹青貢自荆梁構榱浮
於燕趙郢匠運斤瓌人呈巧玉柱凌雲金鋪絢杲
訝棼橑之輪困仰綺疏之繡藻泉石宵邃林巒窳
窳旣龍翔而鳳騫亦翬飛而虹繞若夫池開激灑
波漾澄泓疑銀漢之奔注滙玉河以交縈微風拂

而成穀積雪凝而不冰倒樓閣之遠景忽飛鏡之
淵沉綠蒲掩映紅蓼參橫芙蓉被於洲渚菡萏秀
乎沙汀太清虛兮混涵溟滓澄兮瑩靈機木蘭之
畫艇蕩沙棠之綵舫地髣髴乎瑤島又何慕於蓬
瀛於見琪樹菁葱瓊枝璀璨挺合抱之龍鱗植千
尋之虬榦布繁花於金堤覆弱柳於藍澗覽其卉
木皆上林甘泉之所希見翠羽廻鶉修鱗澗潏展
長離之五彩聚文鯨之萬族共銜藻而巢棲羣唼
萍而渚宿觀其禽魚亦太液昆明之所罕蓄洞壑

谿訝崖谷幽邃凝靈境之飛來羨仙山之繞砌危
巒盤鬱牽其襟迢嶺截巖引其袂碯峯層城爭奇
極麗玩其巖岫又長楊五柞之所未載况乎網羅
百家光啓四庫懸緗素之標題集帷囊於
丹宁凡宛委之遺瑯環之聚蒼玉之司繡衣之貯莫
不條分縷析星羅碁布以俟

黼座之叅稽而攬取惟時

鑿輿載起侍史前驅間登山而臨水復賞花而觀魚
典謨垂於奕代

制作殫乎六區

睿藻則光昭雲漢

御音則韻協韶虞開硯匣以散綵啓筆牀以搖珠驚虎
臥於鳳閣覩龍躍於天衢舉七十二代之辟咸將
避席而回車又有摘華採藻之儒搢笏垂紳之裔
奉

命時趨承

恩入侍或

顧問以詩書或

諮諏夫政事或授簡而臨摹或含毫而應
制洵曠世之休風庶泰交之可嗣廼

皇躬雖處乎廣廈

帝心時念乎蒸黎

畿輔壯河山之勢

陪都開鞏固之基財賦充乎南國人文盛於浙湄險

阻則川陝滇黔之錯處繁囂則楚豫閩廣之異宜

九江有衝溢之患三晉仍儉嗇之遺非賴

宸衷之眷注何以沐雨露而瞻晨熹雖烽燧咸消昇平

已奏四方守其紀綱萬民登於仁壽觀禮樂之時

雍美刑罰之漸措叶然猶

兢兢業業而不敢自卽於逸豫夫非以此臺為凝神

養性之所乃備

九五之三推而區畫乎勤恤之實務叶蓋民惟邦本

食為民天稽考上瑞首在豐年古之聖帝詰后念

民生之不易軫稼穡之當先重農貴穀敦本力田

所以德澤流於九域聲教訖於八埏也乃仿千畝

之制廣鈎盾之壇用

宮中之隙地如民間之樹阡

飭司空徵大匠界溝塗芟林莽畝畝並與南東相向方
不過乎一成勢爰處乎中坳於是築防疏圃激水
引流情欣樂乎昏作盡用力於新疇

上帝之粢盛於是乎出

宗廟之黍稷於是乎羞

六宮獻種稂之種太史報土膏之諏且也宇不加峻
牆不尚雕襪襖咸備耰鋤是操覆茅茨而不剪綴
鈎繩於桔槔召農夫而樹藝立田畷以慰勞慮草

竊而禽饗復迎虎而迎猫時惟春陽風和日暖物
候變柳韶華轉蕙菰蔣綠而紋波涌桃李蘗而花
光麗煙嵐凝黛雲岫杼霽戴勝降乎桑陰倉庚鳴
於隴砌睹東作之艱辛情自憫夫負耒及乎盛夏
節屆南訛蘭湯待浴蓮花泛波水雲生而鷓鴣飛
夕露滴而荷芰迤紅溢銀塘紫胃清荷人揮汗以
成雨農薙草而植禾際歎蒸之酷烈念自周乎荷
簞倏大火之已流正西成之將屆零露降而溪山
清繁霜下而木葉解鴈集蒹葭之洲蘆搖鷓鴣之

系金集
三
澗堤蓉吐豔巖桂披玠慮斂獲之難齊時徘徊於
溝澮迨黃鐘之律應遇廣莫之風生虹藏影而不
現鴻畏寒而遠征行素景於暘藹染丹葉於霜凝
枯木槎枒遠峯峻崢恐卒歲之不給每咨訪於孤
笑矧夫草木萎川澤焦蛙黽產禾黍飄爰齋戒於
紺殿行禱祀乎

絳霄荷

天心之感應曾不俟乎崇朝沛霖雨以甦蒼赤開霽色而

廻

鸞鑣以至緩賦蠲徵開倉發粟

命大臣而親行不啻起枯骨以重肉此時和年豐百
穀順成而頌聲交作也是故先之曰豐謂其歲之
有秋而圭幣不煩於上賸也次之曰澤謂其德之
普被而恩膏不阻於下逮也曷哉美乎殆欽若
昊天之衷敬授人時之思與夫勤農教稼之旨乎天下林
林總總之儔罔不快吾

君之幸臨祝

萬年而祈嘉祉斯田既墾斯園益彰

居宥密以思政法

烈祖兮務農田以導民惠遐荒兮薦黍稷之馨香昭仁孝
兮省春秋之耕斂盈倉箱兮豈不與黃帝之合宮
伊耆之總章王制之藉田月令之神倉並垂休懿
共播頌颺也哉若夫鳴鵠祇遊覽之區濯龍鮮施
濟之用葡萄苜蓿近於織芳林芝草虞於縱奉誠
炫奇於鼇屏玉澤鬪巧於虹棟要皆世主之所怡
愉而季代之所崇重也以茲較彼不亦燭火之於
日星鳧鷖之於鸞鳳乎欲罄揄揚自慙菲葑總其

大概終之以頌頌曰

瑤殿巍峩

瀛臺壯麗息事寧人敷政出治園中有田田間表啜
召我甸師於焉樹藝流播寰區式勤秉耒

上帝降康下土協瑞風不鳴條雨不破塊麥頌兩岐禾傳

九穗

玉燭光調

金甌昌熾

一人有慶兆民永濟

恭紀

頻年蠲賑普

皇霖銀榜高題見

帝心

鸞輅每因新穎出

龍旂常為有秋臨茅茨不剪風彌古耒耜時陳意自

深總為民依勤稼穡微臣學頌愧琅琳

瀛臺啟事恭紀

西苑平明宿霧收危橋如竦俯清流煙勻黛色隨
風卷波蕩荷香夾岸浮

瓊島銀塘一鏡開垂楊拂曙鳥飛回龍香雉羽花
間度玉艇蘭橈天上來

太液池頭萍已綠垂楊隄外日初紅黃金瑞榜青
岑近早集千官曉霧中

禁苑芳林輦道幽萬幾乘暇此時遊傳宣如對承
華殿啟事仍同勤政樓

池開泱泱柳成圍
荇藻交橫水面飛
知是

帝京天地濶
鷓鴣鷺盡忘機

瀛臺閬苑絕塵囂
鳳髓龍香染素毫
丙夜咨諏猶未倦
西山搜對不知勞

日屆天中樂舜年
五龍亭畔火榴鮮
還將一派空青色
輕點蓬瀛楊柳煙

島嶼縈迴紫氣濃
琪花瑤草插芙蓉
不知弱水三千里
卽在離宮十二重

仙池灑瀲玉河隈
冉冉雲車羽節來
繞鳳蟠螭天

上見朱簾畫閣水中開

百頃澄潭映碧空
千章喬木自青葱
憑闌微覺松風動
冉冉雲中落彩虹

香抽勁箭蘭英紫
春入柔條柳色青

宸駕五雲深處轉
水晶宮殿幾曾經

瑤翎玉羽泛清渠
來自江湖碧沼居
仙液無波鷗鷺靜
迴翔上下樂何如

滿徑花飛香氣幽
虹橋高並碧天浮
乘風直上三千仞
好泛靈槎問斗牛

柔枝竟與波分綠嫩色還同柳並青芳草有情時
望

幸春來先發碧山岑

仙臺縹緲隔銀河細草偏承

御輦過最愛青青池畔色夜來風雨落花多

滿徑花飛水面平林間睨睨弄春晴簫韶奏後遲

天籟故送清音續鳳鳴

昇平清奏宴觴同碧葉田田卷激風收拾荷香歸

兩袖綠楊斜掛夕陽紅

朝堂恭紀

藹藹榮光透綺疏紫微雙闕並凌虛金門柳色披
青瑣八表風清到玉除

卿雲瑞日映明光百和風吹合殿香中使頻頒千
日酒天潢齊上

萬年觴

繞電流虹自昔傳羣臣爭獻九如篇康衢縱有封
人祝天地從來不紀年

名藩輦路趨蹌過上相黃扉次第來中使傳宣

知有喜玉樓金殿影徘徊

天街玉燭月華明濟濟朝簪接珮聲行到玉河橋
上望五雲深處泰階平

紫雲澹蕩起和風星使朝

天萬國同殿上夔龍齊獻壽堦前貔虎盡呼嵩

碧空窈窕霜華淨皎日朱庭接珮光文戟采旄森
玉砌鑪煙一道自飄颺

端門凝望瑞煙籠玉殿呼嵩鷓鷯同朝罷百官
花底散却隨五鳳下雲中

承恩退食出彤幃金水橋邊緩步歸仙仗初回雙
闕下香煙猶傍五雲飛

年年原野事菑畲禾黍青青盡繞廬欲識民依惟
稼穡

特蠲租稅勸耕鋤

象管銀箋御府藏百官拜舞和

天章休風直與虞廷並聯句競傳駕栢梁

玉樓金殿影重重華燭常調萬國風嶽領千峰羣
拱極河經九折識朝宗

天縱常山建九旂龍盤鳳舞到神州黃河一線通
滄海寶曆千年壯遠猷

金鑪煙繞列雲門貂冕交輝達九閭灼灼新花臨
紫陌溶溶春色起天園

春來佳氣繞蓬瀛霽色岵嶷接太清清曉銅盤凝
玉露凌空仙掌抗金莖

寅賓日出中星鳥露浥蒼龍清曙曉扶櫬三推九
五先豐年報獻歡聲遶

青壇春路啓祥煙豹尾鸞旂繞直阡翠幕風飄金

石奏公卿秉耒贊

皇虔

南苑恭紀

雲樹蒼茫路透迤

六龍南苑飲飛隨而今四海多清晏正是岐陽講武
時

冬狩鳴鳶逸羽群飄飄雙翼薄青雲神機一發如
驚歛灑血飛毛下九氛

晾鷹臺畔凍雲流帳殿行歌進玉甌匹馬衝開冰

雪路

殿廷親賜紫貂裘

香風徐引氣氤氲遠近爭瞻五色雲爲省民風時
駐蹕非關宴賞樂橫汾

喜雨

聖主憂勞遍九垓桑林未禱已聞雷鳴鳩將雨西清
過細草青蒲簇簇催

西山暝色發祥飊瀟灑龍墀度玉橋霑浥不辭袍
袖濕願將瑞麥譜衢謠

天都仙客迂群真寶籙方開樂四民雨灑香林千
頃足耕桑元是太平人

四郊嘉穎望商霖快雨如酥到上林不止芳華供
御賞還將萬庾荅堯心

聽樂

豫動薰風聞擊拊和雲盛烈總咸英衢壇肅穆嚴
蒼壁漠漠聲希入太清

鈞天大樂響錚鉦舞曲飄揚翟羽輕絲竹鳳調鳴
嶰谷崙山九變八風平

石鼓

辟雍石鼓舊岐陽
星日輝光耀廡廊
信有巨靈擎寶礎
還將神斧鑿天章

何王射獵攫兕虎
雅製雄文墨欲舞
碎錦斷苔隕星紛紛
評解截雲補

春日

斗杓東指醞輕寒
柳鞦花嬌捲幔看
不用吹葭窺玉律
朝來春色滿長安

銀鋪萬乘飛黃馬
色映千金狐白裘
共訝春園梅

早綻枝枝不復漢宮秋

芙蓉闕下漏聲寒
寶炬華燈徹夜闌
此夕萬方同宴賞
傳呼京兆縱民看

鳳吐龍銜寶炬新
長安城裏太平人
香銷紅雪不成凍
入座芳華列錦茵

鼇峰出海輝三島
火樹當春吐九華
白象青猊知怵舞承

恩歲歲踏蓮花

長安春早麗芳晨
寶運當天色色新
凝碧草迎金

埒馬流香花伴玉樓人

何處年華不可人
皇州春色簇花茵
九天麗日浮
丹闕萬里晴光擁紫宸
雙童疋馬走巖阿
樹裏僧房隱薜蘿
碧水層岑青
未了一年春事竟如何

夏日

九十日春留不住
風光入夏一番新
浮空樹色清
陰蕩入座荷香氣
味親

春暮留春春已去
惜春勒馬更尋春
榴紅沼碧依

稀近早是薰風解愠辰

節入南薰解舜琴
火雲乍吐柳陰陰
東山自帶千年雪
北海常澄萬古心

四月尋春何處是
芳郊踏遍少逢迎
紅鬣芍藥當
軒爛况有黃鸝送好聲

絺衣初進氣清和
碧樹陰濃

玉輦過鳩鵲樓前飛
小燕昆明池畔長
新荷

東郊雨足飛春殿
西苑雲生入夏池
自是瓊臺風
日好九歌妙曲溢金卮

秋日

六月炎暉煮海黃金風颯颯送微涼
徽音度曲明霞淨促坐褰帷酌羽觴

金披露重菊花鮮文砌鸞歌殿御筵五色霞
明黃鵲路九旂風爽白雲天

寒驚塞雁薊門秋月到疎林煙壑流
清殿芙蓉涼氣靜松陰竹影上簾鉤

盈盈露結金屏冷淡淡霜飛繡幕深雲斷
天高沉閣漏清砧永夜助蛩音

薊北煙雲繞鳳樓滔滔易水接蘆溝
日移天影長波裏風送寒聲古渡頭

冬日

颯颯秋風驅紫燕霏霏朔雪度盧龍
瑤圃內添花色窈窕樓中失玉容

頻年喜雪好哦松不覺風霜老昔容
霽影依稀鴛瓦出瓊枝隱映鳳樓重

散花天女幻凌風剪碎瓊瑤亂舞空
灑向連雲鵠鵲觀飄來瀆月水晶宮

水柱懸河漾碧衢
苔英點處起霜鳧
光搖素女開金鏡
瑞靄遊人在玉壺
祥英飛宕玉闌干
舞鶴影迷一顆丹
銀靄團風疑泛月
花光映日却春寒
萬樹松濤驚浙瀝
丹臺碧嶂成銀闕
林林虬幹鏤霜花
片片龍鱗飛玉甲

萬柳堂

三月南城萬柳堂
行遊到處足壺觴
歸來馬踏花茵淺
十里野棠春雨香

浮天翠色與雲齊
臺榭依依聽馬嘶
猶憶當年東閣啓
烏銜飛絮落香泥
風幔高懸局不開
流鶯飛去燕飛迴
行人莫把柔條折
曾向靈和殿裏來
碧檻朱闌捲海潮
堂開萬柳翠迢迢
東山絲竹今寥落
無復歌人鬪舞腰

豐臺

清和天氣日初長
相國園中婪尾香
此是紫薇天上種
移來綠野冠羣芳

榆柳陰濃野色蒼晴郊追逐共尋芳花間金帶堆
成錦遊客渾疑在洛陽
僧舍停驂十笏長雀芽新淪坐匡牀上人色相都
空盡獨種名花選佛場
長安士女競花開寶馬香車處處催行過豐臺紅
藥好中山頂上拜如來

金魚池

春風淡蕩酒旗飄水色天光四面饒惆悵荆高人
去後金魚池畔水瀟瀟

貪看遊鱗步每遲垂絲不礙綠楊枝風翻樹動層
樓出日漾波搖嫩藻移

西山

西山盤礴望崢嶸半是梵宮半是塋高塚纍纍宮
落落雕欄玉砌錦麒麟
貝闕珠樓接絳霄猶聞野老說前朝貴人灑盡真
膏血空教名山鎖寂寥
緇流禪食何須稼仙侶雲衣不用蠶自有下方虔
供養耕夫織婦不須貪

摩訶庵裏娑羅樹萬壽寺前萬石鍾五步一樓十
步閣行遊須到最高峰

羽客

高樓羽客伏音華蕭瑟雲扃一樹花含笑巖阿香
霧散青冥空外吐紅霞

紫簫玉管吹雲中子晉乘鸞信御風松嶺煙生山
欲盡石潭波靜水恒空

太微羽客開金籙雅韻流雲駐未行斷續仙音空
外盡依稀聽徹步虛聲

襍咏

九天開秘祉自識慶雲符抱日依龍袞非煙近御
鑪

草際風光滿王孫正可遊碧疑煙彩入紅是日華
流

遲日江臯麗晴空似不高青陽偏媚柳白鷺忽驚
濤

層臺晴望遠處處柳條新追賞韶陽媚花宜漢苑
春

霽靄青春曙飛仙駕五雲羽旄絲接珮應是從元
君
依微青草色含露逗芳春更愛池塘畔清芬遠襲
人
繡轂盈香陌新泉溢御溝遙紅帶淺綠好景是皇
州
卉木當春暮流膏啓滯榮纖條微被綠翠葉盡含
英
林間鶯語嘒花下蝶香飄少女遲清奏祥風五緯

調

韶風披衆卉先動萬年枝輕拂祥煙散低飜翠色
移

節當南至候萬國拜含元聖日開如捧金鑪引御
煙

華池初合樂被濯汎龍舟朱幕陰雲覆清川羽節
遊

霓裳仙曲裏鳳管流新製宴罷水亭空輦餘香草
細

拂林空翠滴濺石翠珠圓絕頂芙蓉殿何王避暑
年

明月當秋夜高天絕送迎影連平野淨輪度曉雲
輕

景光浮桂殿雲物自游颺日麗秋原靜寒英始獻
涼

宿煙含白霧遙並曙光浮的歷蘭皋茂空林望已
秋

習習涼風動熒熒大火流嘉禾方茂夏芳樹忽驚

秋

梧桐寒露上月白似珠團凝素宜清曉溶溶靜裏
看

素練明秋壑晴虹飲碧川瀑懸流百尺巖際噴鳴
泉

匣劍新磨淬臨流欲化龍蓮花生寶鏢秋日礪霜
鋒

乍寒冰始凍會映玉壺清直以中堅白相期飲此
明

大壑流澌靜滄池水乍寒霜花沾玉樹翔雁動輕
瀾

晴雪曙光寒還如帶月看梅芬消未盡何以起袁
安

鸞鈴陳輅馬犀甲擁材官細細鑪煙裊流香護曉
寒

香臺石徑斜縹緲散天花塔寺經幢古山僧誦法
華

通閣清虛麗明霞散玉除却疑王母過遙度五雲

車

郊壇清奏遠風散入蒼冥本自鈞天降還疑列洞

庭

仙都開秘籙風動寶花零雨度千山潤蕭臺走百

靈

客從海上來愛撫瑤華音激楚當清夜令人發遠

心

谷館駕鴻人蓬壺乘鯉客澄淵抱漢清乳竇通滄

碧

湘靈傳鼓瑟曲度九疑青斷續聲常細風雷變洞庭

清月滿緱山夜風傳子晉笙孤鸞驚欲舞漸聽入雲



